

**PROME MINISTER TA ADVERTI
RIBA SCAM CU TA CIRCULA
RIBA MEDIANAN SOCIAL**
“Gobierno di Aruba no tin nada di haber
cu e acto delincuente aki”



WWW.SOLODIPUEBLO.COM



SOLODIPUEBLO@GMAIL.COM

DOS POLIS A BIRA SOSPECHOSO DEN CASO DE TIROTEO DI MADIKI

Den oranan di mainta di diadomingo 9 di februari 2025 un tiroteo a tuma lugar, caminda e homber hoben A.C. Lanoy di 19 aña di edad a wordo alcanza pa balanan policial, y a bin na fayece. Esaki a hiba na gran emocion y na hopi tristesa cerca su famia y den comunidad completo.

Den un investigacion penal manera esaki, den cual polisnan ta envolvi den incidentenan di

violencia cu ta termina cu morto, practicamente semper ta tuma lugar un investigacion independiente di Landsrecherche di Aruba. Landsrecherche ta un cuerpo investigativo cu ta neutral y cu ta independiente di Cuerpo Policial di Aruba. Mes ora despues di e incidente fatal Landsrecherche a start un investigacion penal bao guia di fiscal di husticia. E polisnan envolvi a wordo scucha como sospechoso.

E investigacion ta andando awor aki y pa su


duracion e polisnan envolvi a wordo prohibi entrada

den wardanan.

Ministerio Publico sa y ta conciente cu e tiroteo tin impacto grandi riba comunidad di Aruba. Pa e motibo aki, pa mas leu cu e investigacion ta permiti, Ministerio Publico lo percura pa informa regularmente tocante e investigacion y tocante adelantonan den e investigacion.

HUES TA DECLARA SOSPECHOSO DI A SENDE DOS AUTO NA CANDELA DECLARA LIBER

POLIS ANTIDROGA CU 3 DETENCION NA DIFERENTE PARTI NOS ISLA



A CUMINSA CU RENOBACION DI E LUZNAN N'E VELD DI DAKOTA



UNIT NARCOTICA CU 3 DETENCION NA DIFERENTE PARTI NOS ISLA

Diadomingo unit narcotica ta haci un inval riba un semi laboratorio di cocaine na un compleho di apartamento situa na Schotlandstraat.

Na yegada di unit narcotica na dicho sitio ta detene dos turista procedente di Corsou.

Ta trata aki di e hombernan di inicial Q.V.M. naci na Corsou di 35 aña y e homber A.A.A.R. naci na

Corsou di 31 aña.

Unit Narcotica no a para keto y awe mainta tempran a mobilisa cu un team y a haci un entrada hudicial na Aliviostraat y ta detene e homber di inicial G.B.M. naci na Aruba di 35 aña. E detencion ta pa bendemento di droga. Den e cas a bin encontra un plantacion di marihuana y na unda a confisca esakinan tambe.

D i f e r e n t e departamentonan di Cuerpo Policial a forma parti di e accion. Entre otro team di Aresto, K-9 Unit, polis uniforma como tambe ministerio publico.

Cuerpo Policial ta haci un apelacion na es cu sa algo of a wak algo pa yama tiplijn di polis cu ta 11141. Bo ta keda anonimo.



Prome Minister Evelyn Wever-Croes:

PROME MINISTER TA ADVERTI RIBA SCAM CU TA CIRCULA RIBA MEDIANAN SOCIAL

“Gobierno di Aruba no tin nada di haber cu e acto delincuente aki”

ORANJESTAD – Den e ultimo diano aki, por a tuma nota di un scam fraudulento cu ta circula riba varios plataforma di medianan social afirmando cu residentenan di Aruba por ricibi un suma grandi di placa a traves di un programa di inversion cu ta liga na un entidad cu e nomber "PrimeAurora". Esaki ta totalmente falso y autoridadnan di Aruba hunto cu expertonan cibernetico ya ta investigando e acto fraudulento aki.

Ta trata di un scam sofisticada crea pa delincuentenan pa gaña y causa daño na uzadonan inocente di medianan social. Cualquier persona cu ta compromete nan mes riba e oferta fraudulento aki, ta na riesgo di perde nan placa.

Prome Minister Evelyn Wever-Croes ta enfatisa cu Gobierno di Aruba no tin nada di haber cu e acto delincuente aki y tampoco esaki no tin ningun sosten legal pa niun instituto financiero di nos pais.


E mensahe cu ta circula ta sugiri cu si un persona inverti un suma di placa di AWG.200,-, e por ricibi pagonan regular y pa bida di devolucionnan di impuesto di un suma di AWG.6.500,-. Esaki, Prome Minister a expresa, ta un trampa cu ta propaganda placa facil y ta conoci cu tin usarionan di medianan social ya a cay den dje.

Prome Minister ta urgi cada ciudadano pa keda vigilante y no cay den e trampa di niun oferta financiero sospechoso of di plataforman online

cu ta haci ofertanan y promesa con pa haya placa facil. Consejo ta keda pa cada usuario di medianan social, raporta cualquier oferta dudoso.

E fuente di algun scam ta bin for di e plataforma di noticia local Aruba Today pero e nomber di e website no ta corespondiente na e plataforma di Aruba Today. Esaki ta un detaye cu usarionan di internet mester tene cuenta cu ne pa saca afo e autenticidad di informacionnan.

Proteha bo mes y bo famia y amistadnan. Ta importante pa sigui desaroyonan financiero via canalnan corecto entre otro, via autoridadnan concerni, via nos plantanan di television local, via radionan local



confiabel, via website di Gobierno, via paginan social di Gobierno, y via corantnan confiabel.

Ora cu ripara un link, y ta duda, no click riba dje; raporta e link na e plataforma relevante; si bo ta duda, puntra un famia of amigo; educa bo amigo y famianan tocante e peligronan di estafa via internet, especialmente; comprende e mensahe, si e oferta ta zona irealistico y no a bin di un fuente confiabel, cu ta haci promesanan pa

haya placa facil sin gana of traha p'e, hopi sigur ta pasobra e ta falso. Prome Minister:

“Mi ta pidi tur ciudadano pa ta alerta y no click riba e link di e scam aki ni comparti e link cu otro hende. E link ta diseña pa saca informacion personal, data financiero y otro detayenan sensitivo cu ta pone bo na riesgo. Estafodonan generalmente ta uza mensahenan atractivo pa gaña nan victimanan, pero nos mester keda alerta y no cay den nan trampa”.

Prome Minister Evelyn Wever-Croes:

Revista OCTAConnects, iniciativa di Minister President Evelyn Wever-Croes

UN REVISTA PA CONECTA PAISNAN MIEMBRO DI OCTA CU NAN COMUNIDADNAN



ORANJESTAD—Un aña pasa, diaranson 28 di februari 2024, durante e conferencia di ‘Overseas Countries and Territories Association (OCTA) na Bruselas, Prome Minister Evelyn Wever-Croes a tuma over e Presidencia di OCTA. Desde e fecha ey, activamente a presidi e organisacion cu ideanan nobo di innovacion treciendo e 13 paisnan miembro mas cerca di otro como un organisacion.

OCTA ta un asosiation di paisnan ‘overseas’-otro banda di lama, di Union:

Aruba, Bonaire, Corsou, Saba, Sint Eustatius, Sint Maarten, French Polynesia, New Caledonia, Sint Barths, Saint Pierre et Miquelon, TAAF en Wallis and Futuna, y Groenland.

Pa conecta e miembronan di OCTA cu otro y cu nan comunidadnan, Prome Minister a introduci e revista OCTAConnects na maart 2024 despues cu el a bira Presidente di OCTA. OCTAConnects a bira un herment importante pa conexion y comparti informacionnan vital di e trabounan cu ta wordo

haci na e islanan OCTA. Revista OCTAConnects, apesar di ta un revista cu apenas a cuminsa, y tin 3 edicion, ta spera cu e lo sigui crece cu mas informacion y colaboracion di e 13 miembronan cu ta e curason di OCTAConnects. “Mi ta desea y spera cu hunto nan lo sigui cu e revista compartiendo storianan exitoso y manehonan remarcabel pa

hopi aña mas nos dilanti. Hunto nos a demostra cu ora nos uni, nos ta logra cosnan grandi. Y hunto, e 13 miembronan lo sigui traha pa un miho futuro pa nan comunidad”, Prome Minister a expresa.

E revista OCTAConnects ta disponibel na: https://issuu.com/gabinetewevercroesaruba/docs/octa_connects_



STATEN VAN ARUBA

OPENBARE VERGADERING OP 18 FEBRUARI 2025 OM 14:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Presentatie door Algemene Rekenkamer van het Rapport 'Onderzoek Jaarrekening Land Aruba 2019'

De Griffier,

mr.drs. Herman Ch. J. Hek



Noticia di Corte

HUES TA DECLARA SOSPECHOSO DI A SENDE DOS AUTO NA CANDELA DECLARA LIBER

E conoci di Polis, M.I.M.(40) a presenta dilanti Hues pa e caso penal cu Ministerio Publico a cuminsa contra dje. Fiscal a acusa M.I.M. di hunto cu un otro, a cende 2 auto na candela na San Nicolas.

SOLO DI PUEBLO por a compronde cu Fiscal a exige 3 aña di prison, mientras cu M.I.M. ta para riba cu e no a haci nada. Abogado mr. Mohamed a muestra cu no tin prueba. Hues a conclui cu enberdad no tin prueba y a declara M.I.M. liber. **CENDE AUTONAN NA CANDELA**

E acusacion cu Fiscal a presenta den Corte contra e homber M.I.M.(40) ta cu riba 13 April 2024, hunto cu un otro, intencional a sende dos auto na candela. Esaki a sosode na San Nicolas y na opinion di Fiscal, esaki a causa peliger pa otro autonan y casnan cu tabata keda den cercania. **SOSPECHOSO A NENGA**

Hues a muestra cu doño di e autonan, V., a bisa Polis cu e tabatin problema cu un homber G. Ta asina cu M.I.M. a nenga categoricamente, cu el a cende auto na candela. El a bisa Hues cu si e haci algo, e ta admiti cu el a haci'e. El a bisa cu no por pon'e den zapato di G. El a bisa Hues cu den KIA e tabatin problema cu G. Hues a bisa cu segun e raport di Polis, V. a bisa cu e ta reconoce M.I.M. riba e video di seguridad. Polis tambe a reconoce M.I.M. riba video. Ta asina cu M.I.M. ta un conoci di Polis.

Segun M.I.M., Polis ta bay tras di a tende pero pakico no ta bin cu esnan cu ta papia. Hues a dicidi di pasa e video di camera caminda ta mira 2 persona ta cana bay na e autonan. Un di nan tabata bisti na blanco y e otro na preto. Hues a bisa cu segun Polis, esun na blanco ta M.I.M.

M.I.M. a reacciona cu esey no t'e. El a bisa cu riba e video e persona ey por ta cualkier otro hende. Hues a puntra Fiscal unda e otro sospechoso G. ta. Fiscal a splica cu no por a reconoce G. riba video y pesey no a cuminsa caso contra dje.

Ta asina cu M.I.M. a bisa Hues cu e ta un persona peligroso. Segun M.I.M. el a cambia su bida. El a casa y tin un yiu muher cu ta bay haci 18 aña. El a bisa cu su yiu muher ta sufri di curazon y mester bay haci operacion na Hulanda. Hues a puntra M.I.M., di con e no a bisa Polis tur esey. M.I.M. a bisa cu na Polis e no ta bisa unda e ta biba pa Polis no bay molestia na su cas y afecta su yiu muher. El a bisa cu el a baha man na usa piedra di cocaina. E ta usa marihuana y cocaina. **FISCAL A EXIGI 3 AÑA DI PRISON**

Fiscal a bisa Hues cu Brandweer a traha un raport cu ta muestra cu un Nissan y KIA tabata na candela y un veranda di un cas, a sufri daño di candela. Na opinion di Fiscal, e homber V. a muestra for di e camera di seguridad cu ta M.I.M. y un otro a cende e autonan na candela. Un agente di Polis a mira e video y a reconoce M.I.M. di biaha. Fiscal a sigui bisa cu M.I.M. ta un conoci di Polis y tin carchi di castigo masha largo. Fiscal ta haya legalmente proba cu M.I.M. ta complice di cende auto na candela. Fiscal ta haya cu esaki ta un caso hopi serio. El a bisa cu danki Dios cu tur cos a sali bon cu no tabatin morto y casnan y otro autonan no a kima. Fiscal a exige 3 aña di prison di cual 1 aña ta condicional cu 3 aña di prueba.

ABOGADO TA HAYA CU NO TIN PRUEBA
Abogado mr. Mohamed a bisa Hues cu un agente di Polis cu a mira e video ta bisa cu e ta reconoce

M.I.M. E abogado a remarca cu ariba e video, apenas ta mira e cara di e dos hendenan. Ademá Polis ta bisa cu a reconoce M.I.M. na e manera di cana y tattoo na man. Abogado a bisa Hues cu riba e imagennan, no por mira tattoo y ta cuanto hende tin tattoo na man. E abogado a remarca cu Polis no ta bisa nada di G.

Mr. Mohamed a muestra cu Polis ta papia di un amigo, cu a keda anonimo, cu lo a topa M.I.M. y cu M.I.M. lo a bis'e di a cende e auto na candela. E abogado ta haya cu no por reconoce riba video e cara di M.I.M. Mr. Mohamed ta puntra, kico lo tabata e motibo cu M.I.M. a cende auto na candela. El a bisa cu M.I.M. a bisa cu e ta reconoce ora e haci algo malo. Den e caso aki e ta para riba cu e no tin nada di haci cu e caso aki. E abogado ta haya cu no tin suficiente prueba cu ta M.I.M. ta complice y mester declar'e liber. M.I.M. a bisa Hues cu e tin 8 luna sera pa e caso aki, sin cu tin prueba.


HUES A DECLARA HOMBER LIBER
Hues a sera tratamiento di e caso y a dicta sentencia di biaha. El a bisa cu ta solamente video tin pa prueba contra M.I.M. Hues a bisa cu e videonan no ta mucho cla. Hues a muestra cu e persona V. a bisa di a reconoce uno na su forma di cana. E no ta bisa ta ken. Tin e agente di Polis cu tambe ta bisa di a reconoce M.I.M. na su forma di cana y tattoo. Hues a bisa cu el a mira e videonan y nan no ta mucho cla. No por mira cara di M.I.M. y no por mira tattoo. Hues ta haya cu no tin mucho prueba cu ta M.I.M. ta e culpabel. Hues a declara M.I.M. liber.

CAMBIO DEN PRIJS DI PRODUCTIONAN PETROLERO

12 FEBRUARI 2025

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 12 februari 2025:

Gasoline unleaded-premium	: 241,7 cen p/ltr. (+ 8,2 cen)
Diesel LS	: 218,2 cen p/ltr. (+ 13,3 cen)
Kerosin	: 196,1 cen p/ltr. (+ 12,6 cen)
E prijsnan ta inclui BBO/BAZV/BAVP	



PROME MINISTER EVELYN WEVER-CROES A BISHITA GABINETE DI ARUBA

Den Haag – Prome Minister demisionario mr. Evelyn Wever-Croes a haci un bishita na Gabinete di Minister Plenipotenciario di Aruba. Durante di e bishita aki e mandatario a tene combersacionnan cu Minister Plenipotenciario demisionario mr. Ady Thijsen y director di Gabinete di Aruba Joselin Croes LL.M/M.Sc.

Tambe premier Wever-Croes a tuma tempo pa reuni y papia cu e personal di Gabinete di Aruba. Señora Wever-Croes a duna elogio na e staf y

personal di Gabinete di Aruba pa e bon trabao desplega e ultimo añanan en especial pa nos studiantenan. Premier Wever-Croes a bisa cu ainda tin e problema cu vivienda pa estudiante y cu e ta contento cu Gabinete di Aruba ta purba na trece solucion pa cu esaki, pa dificil cu e ta keda, mirando cu e ta un problema den henter Hulanda.

Otro topico cu a bin dilanti den e combersacion ta e renovacion di e edificio di Gabinete di Aruba na R.J. Schimmelpennincklaan. E trabaonan lo cuminsa

e aña aki y lo ta cla na 2026. Segun Prome Minister Wever-Croes un aña importante, pasobra Aruba ta celebra 40 aña di su Status Aparte.

Premier Wever-Croes a gradici e staf y personal di Gabinete di Aruba pa nan empeño pa traha na bienestar di Aruba na Hulanda y asina contribui na e bon representacion di Aruba na Hulanda y Union Europeo.

Nota pa redaccion: E potretnan ta cortesía di Arubahuis



Bo a Tende Caba!!

Manera Boso tawata custumbra na TEXAS AWO! CAS di MAX ta FURA y DRECHA STOEL y MUEBLE Yama nos na 740-0973 pa haci un sita nos ta pasa y duna Bo un prijs



Cas di Max
Mueble y mas

Prome Minister Evelyn Wever-Croes:

Durante su bishita di trabou na Hulanda;

PROME MINISTER A REUNI CU MINISTER DI BUITENLANDSE

ZAKEN RIBA VARIOS TEMA IMPORTANTE



Un reunion hopi importante cu Prome Minister Evelyn Wever-Croes tabata tin durante su biahe di trabou pa Hulanda, ta e reunion cu Minister di Buitenlandse Zaken señor Caspar Veldkamp. Dos tema importante cu nan a cubri durante e reunion aki tabata e situacion actual na Venezuela y e posicion di e gobierno nobo Mericano.

Tema: Venezuela

Prome Minister a indica cu e situacion na Venezuela ta un topico cu tin Gobierno di Aruba basta preocupa. Ta importante pa compronde ki efecto tur e desaroyonan

interno, y e situacion di derecho humano cu tin na Venezuela, tin riba Aruba, y pa sa kico ta e posicion di Union Europeo riba Venezuela ya cu nan no ta reconoce Presidente Maduro como e presidente ganado y pa e motibo aki no a atende e inauguracion. Tambe ta importante pa sa kico ta e siguiente paso di nan banda. Riba esaki Prome Minister a haci hopi pregunta cu ta hiba bek den e tereno di UE pa nan por fiha un posicion.

Pa loke ta e topico di Venezuela, e combersacion tabata uno hopi largo. Prome Minister a splica

Minister Veldkamp e motibo pakico ta importante pa Aruba tin claridad riba e topico di Venezuela. Venezuela ta hopi cerca di Aruba y tin hopi hende cu tin laso familiar, economico y cultural cu e pais. P'esey ta importante pa Aruba ta bon informa riba e posicion cu ta wordo tuma pa cu Venezuela na Den Haag y cu UE.

Tema: Gobierno nobo na Merca

Un tema cu Prome Minister a delibera hopi riba dj'e durante varios reunion na Den Haag, ta e posicion di e gobierno nobo Mericano pa loke ta trata e maneho migratorio. President Trump a declara cu e lo hiba un maneho migratorio hopi mas estricto, y p'esey ta importante pa Gobierno di Aruba ta consciente di kico ta bay pasa, ya cu cualkier decision na Merca por tin su efectonan. E

pilar economico principal di nos pais ta turismo, y mayoria ta bin di Merca.

Durante su reunion cu Minister Veldkamp, Prome Minister tabata tin e oportunidad di papia di tur e retonan cu Aruba lo por enfrenta debi na e decisionnan cu e presidente nobo na Merca lo por tuma. Aki a intercambia ideanan y papia di diferente escenario pa asina ta miho prepara den caso di cualkier eventualidad. Pa loke ta e decision di Merca pa hisa tarifanan, derechonan di importacion, esaki sigur lo tin un efecto riba costo di bida na Aruba, mirando cu productonan lo bira mas caro. Actualmente no tin motibo pa preocupa pero si pa ta miho prepara. P'esey e reunionnan aki ta asina importante, pa elabora riba varios escenario y pa tin un posibel solucion dado caso.

Na final di e reunion, Minister Veldkamp a tuma e oportunidad, ya cu Gobierno di Aruba ta den momento di transicion, pa gradici Prome Minister pa representa Reino Hulandes dignamente den varios ocasion, specialmente pa e manera con Prome Minister a guia e reunionnan na Nacionnan Uni, y pa representa Reino den diferente toma di presidencia den e region.

Na su turno, Prome Minister a gradici Minister Veldkamp pa e oportunidad di por a reuni cu su persona, y a indica na dj'e cu p'e lo mas importante ta pa semper tin un bon cooperacion y relacion entre Aruba y Gobierno Hulandes. E tabata un reunion positivo na unda a informa Minister Veldkamp den detaye riba e posicion di pais Aruba.

Parlamentario Endy Croes

A CUMINSA CU RENOBACION DI E LUZNAN N'E VELD DI DAKOTA



Parlamentario Endy Croes, hunto cu su colega Parlamentario Hendrik Tevreden, tabata presente n'e veld di Dakota pa presencia e comienso di e proyecto di renobacion y cambio di e luznan. E plan aki ta contempla e reemplazo di e luznan bieu tipo halogeen p'e luznan moderno LED, mas eficiente y sostenibel.

E proyecto a inicia na luna di juni di año 2024, unda cu a tuma e decision pa cambia pa luz LED ultramoderno cu ta mucho mas eficiente pa e veldnan

na Aruba. A traha un plan, unda lo order e luznan den "batch" di cinco (5) veld den conhuntio y a planifica pa haci e prome order durante e di dos mita di año 2024. Un di dos (2) order pa cinco (5) otro veld a wordo planifica desde e tempo ey caba pa tuma luga na inicio di año 2025. Un di tres (3) order lo mester tuma luga den e di dos mita di año 2025. Durante año 2026, lo mester finalisa e proyecto aki. En realidad e prome order a tuma luga den luna di october y a yega Aruba fin di december 2024. Mientras, a atende cu e

directivanan di e veldnan pa nan por re-organisa nan training riba e fechanan cu lo baha e postenan. A prepara tur cos pa por inicia cu e bunita proyecto aki.

E trabounan a inicia dialuna ultimo, unda cu a baha e seis (6) postenan di luz di veld di Dakota, cual ta e prome veld cu lo ricibi e atencion. Lo "high pressure wash" e mastnan, lo aplica un tratamiento di un material "macro proxy" y lo "prime" e mastnan cu un "epoxy primer" pa

despues verf nan cu un "ultra paint" pa garantiza cu nan lo no frustia pa minimo 10 año. Tambe, lo instala "bracket" nobo y luz LED ultramoderno, pues un sistema completamente nobo. E trabou a inicia na veld di Dakota y lo continua na veld di Estrella sigui despues cu veld di San Luis, Sportboys y Tanki Leendert. Parlamentario Croes ta gradici Minister di Deporte actual Sr. Dangui Oduber pa sostene e proyecto aki realizando asina e vision di Gabinete Wever-Croes II y pa brinda mi e oportunidad pa sigui

guia e Proyecto di Luz.

"Nos ta orguyoso di mira e fruto di e simia cu nos a planta wordo cristalisa y bira un realidad. E ganado final ta nos mucha- y hobennan cu ta haya un facilidad y infraestructura ultramoderno pa practica nan deporte. Pabien na nos colega Parlamentario di Dakota Hendrik Tevreden, pabien Dakota cu e bunita proyecto aki y pabien nos hobennan cu lo disfruta di esaki," ta loke Parlamentario Croes a bisa por ultimo.

CLAUDIA AREVALO-DEL CASTILLO TA CELEBRA 5 AÑA DEN SERVICIO CU BOTICA DI SERVICIO



E luna di februari a cuminsa cu un celebracion mas, esta di nos colega Claudia Arevalo-del Castillo, kende a cumpli 5 aña den servicio cu Botica di Servicio.

Claudia a cuminsa su

careda den 2020 cu nos como parti di nos sales team. Algun aña despues, Claudia a haci un cambio y a bira un di nos sales representatives (drogist medewerker) den nos boticanan, unda cu eno a faya di muestra

su amabilidad y carisma durante su interaccion cu pashentnan y clientenan cu ta drenta nos boticanan. Desde e aña aki, Claudia a cuminsa cu un otro reto, cual ta den nos warehouse y tambe como representante di sales den e area di business-to-business pa Botica di Servicio,

Botica di Servicio ta sumamente contento di por tin Claudia den e ultimo 5 añanan hunto cu nos y ta gradici Claudia pa su dedicacion na su trabou y pa forma parti di e gran ekipo y famia di Botica di Servicio.

Masha pabien y nos ta spera di por tin mas



añanan hunto.

Tocante Botica di Servicio Botica di Servicio ta un grupo di farmacia cu 4 localidadnan riba e isla di Aruba. Durante e añanan, Botica di Servicio a obtene

un grupo di profesionalnan den e area di salubridad hunto cu empleadonan capacita pa provee e miho servicio riba e isla di Aruba.

Ministro Geoffrey Wever:

DESARROYO DI SECTOR DI FINTECH ENTRE ARUBA-UN ECLAC

Awe 7 februari minister Geoffrey Wever a reuni cu e delegacion di “United Nations Economic Commission for Latin America and the Caribbean” (UN ECLAC) den cuadro di ehecucion di un estudio riba ediferente riesgo, obstaculo y oportunidad di e sector di FINTECH y evaluacion di e impacto di “Blockchain Technology” y “Crypto Currency”. Ta premira pa ricibi e resultado den luna di april, cu lo forma e base pa implementacion di maneho pa pusha e desaroyo di e sector

FINTECH y diversifica Aruba su economia. FINTECH - of Tecnologia Financiero — ta referi na tecnologianan innovativo y solucionnan digital cu ta wordo aplica den e sector financiero pa haci servicionan financiero mas eficiente, accesibel, sigur y facil pa uza.

Den e siman di 3 pa 7 di februari e delegacion di UN ECLAC a reuni cu diferente partners manera Banco Central di Aruba, Camara di Comercio, ATIA, Setar N.V., Cybersecurity Center of Excellence,

Insurance Association of Aruba, Aruba Bankers Association, Digicel, Directie Telecommunicatie Zaken, Qredits Aruba, Gamma IT y diferente personanan clave den e sector di FINTECH.

Meta di e reunion aki tawata pa haya un bista realistico di e posicion actual di Aruba den e sector FINTECH pa asina tin mas conocimiento di e impacto economico di tecnologia innovativo y solucionnan digital nobo den e mundo comercial impacta pa cambio y desaroyo continuo. Esaki



ta un proyecto cu a inicia mas cu un aña pasa y ta den desaroyo.

“UN ECLAC ta premira di entrega e resultado den luna di april. E resultado lo ta e base di un plan di implementacion pa pusha, unda posibel, e desaroyo di e sector di FINTECH

y asina yuda crea un otro sector economico”, segun minister Geoffrey Wever. Minister Geoffrey Wever ta gradici Departamento di Asuntonan Economico cu ta guia e proceso di e estudio relevante pa desaroyo economico di Aruba.

Prome Minister Evelyn Wever-Croes:

PROME MINISTER CU VARIOS REUNION NA ARUBAHUIS

"E dianan na Hulanda tabata largo y cu hopi reunion, pero pami semper ta un placer di por bishita Arubahuis, cu ta nos cas na Hulanda"



- Durante su bishita na Hulanda, Prome Minister Evelyn Wever-Croes tabata tin varios reunion na Arubahuis pa trata diferente tema di relevancia pa Aruba. Prome Minister a reuni cu Minister Plenipotenciario señor Ady Thijsen, directora di Arubahuis señora Joselin Croes, y cu e ekipo completo di Arubahuis.

Reunion cu Minister Plenipotenciario señor Ady Thijsen Prome Minister a indica cu den e reunion cu señor Ady Thijsen a trata e tema di e vision cu e Kabinet di e "gevolmachtigde minister" tin y di tur e contactonan importante cu tin den politiek Den Haag. Tambe a pasa riba e temanan pendiente pa loke ta Union Europeo, mirando cu señor Thijsen banda di su funcion como Minister Plenipotenciario, e ta tambe representante di Union Europeo pa Aruba.

Prome Minister a splica cu por mira bek riba un periodo hopi intensivo pero cu logronan importante, specialmente pa loke ta trata e confiansa cu mester tin entre Aruba y e Gabinete di

"gevolmachtigde minister".

Otro topico importante ta e presidencia di OCTA cu Aruba tin e ana aki. Prome Minister ta e presidente di e Asociacion di e paisnan cu tin un laso cu Union Europeo, y señor Ady Thijsen ta presidente di e comision ehecutivo. Y akinan tambe tin varios tema cu mester a wordo adresa.

Reunion cu Directora di Arubahuis señora Joselin Croes

Durante su reunion cu e directora di Arubahuis señora Joselin Croes, a toca temanan riba e organisacion en general y e personal di Arubahuis. Prome Minister a indica cu apesar cu e team ta hopi chikito, nan ta logrando hopi cosnan positivo pa Aruba. Gobierno ta consiente cu nan tin e necesidad pa mas personal pero tur esey cu profesionalismo di e organisacion.

Aparte di e tema di personal y organisacion a toca otro tema importante cu ta di e studiantenan di Aruba na Hulanda. Hunto cu señora Croes, Gobierno ta trahando riba un plan di



urgencia pa wak con ta bay yuda e studiantenan na un miho manera. Vivienda ta un reto grandi na Hulanda y p'esey ta importante pa tur estudiante cu lo desea di bay Hulanda aplica hopi trempan pa asina logra haya un luga pa biba. E plan di urgencia lo wordo presenta na Consejo di Minister pronto pa asina decisionnan necesario por wordo tuma pa garantisa ayudo na e studiantenan.

Reunion cu ekipo di Arubahuis Prome Minister a indica cu e reunion aki tabata uno hopi positivo y informativo, na unda e tabata tin e oportunidad di duna hopi informacion di tur loke ta andando na Aruba pero

tambe sucha di nan con nan ta mira e desaroyonan na Hulanda y con lo por mehora e servicio cu Arubahuis mester duna na Hulanda. Tambe Prome Minister a gradici nan pa tur e cooperacion duna na su persona durante e 7 añanan aki. Tabata tin retonan pero awe por mira bek riba un Arubahuis fuerte, resiliente y cu ta goza di respet y confiansa na Hulanda.

"E dianan na Hulanda tabata largo y cu hopi reunion, pero pami semper ta un placer di por bishita Arubahuis, cu ta nos cas na Hulanda" Prome Minister a expresa.

GRAN CLASICO INTERNATIONAL - UN GRAN EXITO

Replica y Secreto a bira e Gran Campeonnan

Reconocimiento di Embahador na Earnie Schoop y Stanley Ignacio




E fin di siman tras di lomba a tuma lugar e “Gran Clasico Internacional” di cabai na Villa Floralina. Un total di 18 cabai a bin di Corsow pa competi ferozmente contra cabainan di Aruba. Un publico grandi y anima a goza di e bataya entre e cabainan, cu a ser huzga pa e juez veterano di Bogota, Mauricio Camacho. E feria a duna un fuerte indicacion cu e deporte di cabai a drenta un era nobo, cu hopi animo y hopi expectativa. Den e categoria di macho paso fino tabatin un fuerte disputa pa e titulo di Gran Campeon y finalmente “Secreto de Magico” di famia Michael de Cuba a gana di “Sueño Dorado”

di Ricky Winkel di Corsow den e final emocionante, bou grito y aplauso di e fanaticonan di Aruba. Den yegua tambe e final a bira un di hopi emocion. ‘Replica de la Trocha’ pa gran alegria di su doño Giyo Martina di Corsow a bira e Gran Campeona, ganando “Azucarada de San Isidro” di Criadero Alma. Di e forma aki e 2 premionan maximo a keda bunita reparti entre e islanan. Den e modalidad di trocha “Herederero del Rey” di Villa Floralina a bira e Gran Campeon y e mesun criadero tambe a gana e competencia di trote & galope cu nan ehemplar “Conquistador de Villa Floralina”. Bunita pa

mira cu crianan local ta alcansando un nivel asina halto. Den cabainan hoben di paso fino tabata un placer pa mira con “El Junior” di Floralina a bira e campeon den potro, mientras cu “Picamimosa” di Jowey Velasquez di Corsow a recibi e mesun corona, pero den potranca. E mihor potro fino den proceso cu a debuta den e feria aki a bira un yiu di “Secreto”, “Zafiro Azul” di Rancho Monte Azul.

E mihor Capon di e feria tabata “Polvo Robado” di famia Magdalena di Corsow. Den competencia di cabainan di paseo, “Chiquinquira de la Mecanica” di Fernando Lewis a bai cu e gran titulo den paso fino, mientras cu e mihor yewa di trocha paseo a bira “Bienvenida” di Famia Mouawad. Durante e feria directiva di Organizacion Caballista Arubano (OCA) a honra dos baluarte di Corsow. Earnie Schoop tabatin un rol indispensable den e realizacion exitoso di e Gran Clasico, dedicando hopi hora pa tur cos a



cana nechi regla pa e cabainan di Corsow por a hasi e viaha, danki na un donacion grandi y espontaneo di e compania “Don Andres”. E segundo distincion di “Embahador di Bon Boluntad” a bai pa Stanley Ignacio, kende pa masha hopi aña a percura pa tin un bon relacion entre e dos islanan. Stanley ta co-fundador


di e federacion mundial “Confepaso”. Semper Stanley tey pa busca solucion ora cu cos pega. E anochi di Diasabra a sera cu un baile masha anima cu musica di e banda “Vallenato Plus”. Proximamente Aruba lo reciproca e bishita di Corsow y competi na nos hermana isla pa e deporte sigui crese.



















SOLODIPUEBLO@GMAIL.COM
CEL. 585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - February 10, 2025

 Sorteo # 4533 7987 8764 9910  X2  Sorteo # 4533 5580  X2  Sorteo # 2589 2877  Sorteo # 4533 7085 Sagitario  Sorteo # 1407 138  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 100.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 62.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 1.400.000,-	 Afl. 2.200.000,-  Sorteo # 
--	--	---	--	--

Chauffeur burachi a causa un accidente na Schotlandstraat



Diadomingo madruga a drenta informe di un accidente na Schotlandstraat, mesora a dirigi un patruya na e sitio. Na yegada di e patruya a bin compromde cu un chauffeur burachi a perde control y a bay dal contra e hekki di un negoshi. Ora polis a bay test e chauffeur a bin resulta cu e ta bao influencia. Polis a detene e chauffeur y a bay warda di polis cun'e. Cu takelwagen mester a kita e auto for di eynan.



Chauffeur coriendo un suv casi nobo cu velocidad halto a bay accidenta na rotonde Santa Helenastraat



Dialuna maduga a drenta informe di un accidente cu hende herida na e rotonde Santa Helenastraat, mesora a dirigi tanto polis como ambulans na e sitio. Na yegada di e patruya a bin compromde cu aki ta trata di un accidente unda e chauffeur di un suv casi nobo biniendo cu velocidad halto a perde control aubi e rotonde dal kashi coriente y un palo di lus. Debi na e impacto e chauffeur a resulta herida. Na yegada di e ambulans nan a atende e victima.

E auto mes a keda basta kibra y cu takelwagen mester a bahe for di e rotonde.

FILOMENA MAVO TIN ELECCION DI REINA DIAHUEBS AWO NA CENTRO DI BARIO BRAZIL




Diahuebs, 13 di februari 2025, Filomena College MAVO na San Nicolas, na nomber di Setar Aruba NV, ta organisa e eleccion di Reina 2025. E eleccion ta cuminsa 6:00 pm y ta den Centro di Bario Brazil. E prins “All” cu pancho “Out” cu ta Brandrick Ridderstap y Jay-Xiondrick Bisslip, lo saca Filomena Youth Queen 2025.

Algun artista invita lo ta Tumberitonan infantil y hubenil ‘25 J-Vyön

Besselink, Melody Franken, Dj Dyron, Gucci Dancers, Justin Trinidad “King J” y reina saliente Anwizyann Geerman. MC ta meneer Addonsito Croes cu ademas ta na cabes di e comision organisador.

E candidatanan participando ta Xaphiera Granston, Saidriana Saint




Velus, Josiella Boekhoudt, Shailienne Brown y Sheldry Boekhoudt.

Na final lo ta sacando best Costume recicla, best

Show, best Speech, reina popular, reina fotogenica, second runner-up, first runner-up y Reina di Filomena College Mavo 2025.

Un y tur ta invita pa bin presencia y apoya Filomena College MAVO su eleccion di Reina ‘25 diahuebs, 13 di februari 2025 pa 6:00 pm.

ARUBA A HUNGA SU PROME WEGA CONTRA DI REPUBLICA DOMINICANO



Wega a termina 1 - 0 na fabor di Republica Dominicano.

di esaki nan.

Mester bisa cu Aruba a hunga bon futbol y crea su Chance nan pero lamentablemente no a probecha

Aruba su proximo partido ta diaranson pa 7pm contra pais di kas Panama. Panama a gana Grenada 8-0.

Clasificados











SOLODIPUEBLO@GMAIL.COM

CEL. 585 9500







Cu honda pena, pero conforme cu decision di Dios, nos ta anuncia fayecimento inespera di nos tan stima casa, tata, suegro, welo, omo, y amigo stima...

Virgilio Pascual Laclé

Mihor conoci como “Milo”

Naci: 24 Dec. 1937 • Fayeci 3 Feb. 2025

Na number di su casa:
Alejandrina Laclé-Tromp

Di su yiunan:
Nilton Laclé y yiu.
Andy, Marien Laclé-Diaz Rios y yiu.

Di su nietonan stima:
Mitchell Laclé.
Jake Laclé.

Na memoria:
Milo awor ta acudi cerca su rumannan kendenan a bay prome cune, esta Ovid Laclé, Dufi Laclé, Chai Laclé, Sildo Laclé, Etta Theysen-Laclé, Chichi Laclé, Eddy Laclé, Pina Lindeborg-Laclé, Efe Laclé, Sita Croes-Laclé, y Annie Laclé.

Na number di su cuñanan:
Bertha Fingal y yiu, Lita Tromp y yiu, Magdalena Tromp y yiunan, Livia Vrolijk y yiunan.

Cu hopi cariño: Na number di sobrino- y sobrinanan hopi costumbra, Jeanette Bruin-Laclé, Sharine Vrolijk, Alfred Lindeborg, Helene Wong-Croes, Lientje Laclé, Dr. Gregory Laclé, Yvette Laclé, Franklin Laclé, Renny Laclé.

Bisiña- y bon amigonan di cas:
Jane Oduber, Calvin Tromp y famia, Deka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia. Tur su prima- y primonan.

Tur su ex-coleganan: Di Lago Oil & Transport, Ltd., Exxon Mobil Baytown Olefins Plant, Valero Refinery Powerhouse unit, ex-colega y hungadornan di Sport Club Aruba na Paradera.


Demas famia: Laclé, Tromp, Diaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray.

TA INVITA pa oportunidad pa condoleer riba Diamars, 11 Februari 2025 na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma lugar riba fecha di Diaranson, 12 Februari 2025 na Royal Funeral Home na Cumana, for di 2:00 pm te cu 4:00 pm. Despues di respons lo sigui pa entierro na Santana Catolico di Paradera.

Enves di flor of krans, famia ta bay sigui yuda Milo kende semper a stima y tabata haci donacion casi henter su bida na e hobennan dinamico di **YMCA San Nicolas**. Lo tin un box disponibel pa haci e donacion.

Despues di entierro, no ta acepta bishita di condolencia na cas.



SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

FORTALEZA PA FAMILIA

Scirbi pa Pastor Marcel Balootje.

SCURIDAD POR RONDONA, PERO ABO NO TA YIU DI SCURIDAD

Un pisca ta landa den awa salo, pero awa salo no ta den e pisca, ora nos ta bay come pisca nos ta ripara cu nos mester pone salo riba dje, den e preparacion cu nos ta haci cu e pisca pa e smaak miho.

Mescos cu nos bida ta rondona cu scuridad, pasobra scuridad, maldad, inmoralidad, abominacion ta rond mundo, y tin hende no ta keda contento ora bo menciona cierto comportacion, pero esey ta peliger cu ta existi ora bo laga scuridad domina bo bida, cu tur su tipo di actividad.

Riba e mundo aki ta dos caminda tin e caminda di lus den Crsito Hesus, y e caminda di scuridad di diabel. Tin hopi a purba traha un caminda meymey di nan dos, pero esey ta un caminda imaginario, pasobra ningun hende por sirbi dos shon.

Ta hopi tipo di distraccion tin cu ta hiba hende den scuridad, y e movecion ta asina suave, cu casi bo no ta ripara cu ta den scuridad bo ta drelando, tin biaha un cantica cu

bo ta canta, of un video cu bo ta mira ta hiba bo den scuridad sin bo sa. Pasobra den un palabra bisa, bo ta wordo seduci pa scuridad y pica, y si bo no ta lanta bo ta cay aden,

Ma boso rumannan, no ta den scuridad, cu e dia ey lo sorprende boso, manera un ladron, pasobra boso tur ta yunan di lus, y yunan di dia. Nos no ta di anochi, ni di scuridad. (1 Thesaloinisensenan 5:4-5).

Nos bida ta produci fruta, y na nos frutanan hende lo reconoce cu nos ta di lus of nos ta di scuridad, pasobra un bon mata ta produci bon fruta, y un mal mata ta produci mal fruta.

Biba segun e Carni ta produci corrupcion y biba segun e Spirito di Dios ta hiba na bida eterna.

Un hende por ta den un fiesta cu hopi lus y cu hopi zonido, pero toch den scuridad, pasobra tur e cos ey no ta den boluntad di Dios, y no ta agrada Dios.

Ora nos contacto cu Dios no ta constante nos ta cay den sonjo, cu ta fria nos y aparta nos for di e caminda di Dios, e ta keda notabel den nos sirbishi na Dios, cual volumen ta baha, y nos ta cuminsa perde interes, especialmente den nos bida di oracion, y nos ta cuminsa bira floho.

Pesey nos mester cana na un manera digno di Senjor, pa agrada Senjor den tur

sentido, dunando fruta den tur bon obra, y creciendo den conocimiento di Dios. Pasobra E a libra nos di e poder scuridad y a traslada nos pa e reino di su Yiu stima, den kende nos tin redencion, y pordon di picanan. (Colosensenan 1:10-13).

Pasobra antes boso tabata scuridad, awor boso ta lus den Senjor, cana como

yunan di lus. pasobra e fruta di e lus ta consisti di tur bondad y husticia y berdad, Tratando di sinja loke ta agradabel na Senjor. Y no participa den obranan infructifero di scuridad, ma mas bien expone nan. pasobra ta un berguensa hasta pa papia di e cosnan cu nan a haci na secreto. (Efesonan 5:8-12).

E ora ey Hesus a bolbe papia cu nan bisando: Ami ta e lus di mundo, esun cu sigi Mi lo no cana den scuridad. Ma lo tin lus di bida. (Juan 8:12).

Esaki ta e mensahe cu nos a tende di dj'E y ta anuncia na boso cu Dios ta lus y den dj'E no tin nada-nada di scuridad. Laga e lus poderoso di Dios briya tur momento.



Cu profundo tristesa pero conforme cu e boluntad di Dios,
Partido MEP ta anuncia fayecimento y acto di entierro di
Co-Fundador di nos Partido MEP:



SEÑOR HENDRICK CROES

* 03 Juli 1938 - † 06 Februari 2025

OPORTUNIDAD PA DESPEDI:

Diamars 11 di februari 2025, 12:30 pm. na Cede di MEP na Santa Cruz

ACTO DI ENTIERRO:

Diamars 11 di februari 2025 for di 1:00 pm pa 4:00 pm.
na Misa Imaculada Concepcion na Santa Cruz

Partido MEP ta extende palabranan di profundo condolencia na
su casa Yuyu, yiu, nieta y demas famia.

— Cu señora Hendrik sosega na paz. —

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

CU BISTA RIBA UN FUTURO MAS TECNOLOGICO Y DIGITAL

A reuni cu Comite Olimpico di Panama den cuadro di plataforma digital “COP Online”

































Durante un reunion virtual cu a tuma lugadaberna siman pasa, a logra combersa cu Sra. Damaris Young, cu ta president di Comite Olimpico di Panama (COP)

den cuadro di un sistema digital cu recién COP a implementa. Banda di Damaris, tambe presente den reunion tabata Director Tecnico di COP, Sr. Carlos Ivan Bermeo

cu tambe ta conta di su experiencia utilizando e plataforma digital nobo di COP na nivel deportivo.

E sistema cu COP a implementa ta un plataforma digital cu ta ser usa den tur capacidad importante di un Comité Olimpico Nacional. E plataforma aki jama “COP Online” y ta no solamente pa usa di e personanan cu ta traha cu COP, pero tambe e federacionnan deportivo y demas gruponan di interes. A traves di inteligencia artificial y otro “tools” digital, e plataforma ta percura pa simplifica hopi proceso y crea un sistema unda tur hende ta traha igual. Comite Olimpico Arubano (COA) ta mira esaki manera un tremendo “tool” digital cu sigur ta interesante pa por haci uso di dje na Aruba. COA ta den proceso di kier implementa mas tecnologia manera plataformanan digital y inteligencia artificial, pa asina facilita e procesonan pa un y tur. #TEAMARU

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - February 11, 2025</div>		
<div></div> <div>Sorteo # 8470</div> <div>7672</div> <div>3323</div> <div>5711</div> <div></div> <div>X2</div> <div></div> <div>Sorteo # 7514</div> <div>0631</div> <div></div> <div>X2</div> <div></div> <div>Sorteo # 2219</div> <div>2745</div> <div></div> <div>Sorteo # 6273</div> <div>9021</div> <div>Geminis</div> <div></div> <div>Sorteo # 1203</div> <div>691</div> <div></div> <div>X5</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div></div> <div>Sorteo # 6739</div> <div>0 x Jackpot</div> <div>6 x Match 4</div> <div>137 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Joker</div> <div>Letter</div> <div>Proximo Jackpot</div> <div>100.000,-</div> <div>06-16-21-23-29</div> <div>Proximo Jackpot</div> <div>65.000,-</div> <div>Mega Ball</div> <div>Proximo Jackpot</div> <div>1.400.000,-</div> <div>Afl. 2.200.000,-</div> <div></div> <div>Sorteo #</div> <div></div>

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - February 11, 2025</div>		
<div></div> <div>Sorteo # 4534</div> <div>4849</div> <div>2153</div> <div>6806</div> <div></div> <div>X3</div> <div></div> <div>Sorteo # 4534</div> <div>4988</div> <div></div> <div>X5</div> <div></div> <div>Sorteo # 2590</div> <div>9543</div> <div></div> <div>Sorteo # 4534</div> <div>0095</div> <div>Piscis</div> <div></div> <div>Sorteo # 1408</div> <div>781</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Joker</div> <div>Letter</div> <div>Proximo Jackpot</div> <div>100.000,-</div> <div>Proximo Jackpot</div> <div>65.000,-</div> <div>Mega Ball</div> <div>Proximo Jackpot</div> <div>1.400.000,-</div> <div>Afl. 2.200.000,-</div> <div></div> <div>Sorteo #</div> <div></div>